

Supyire - Cyeebii Kile Jwumpe Semenji - Wives Scriptures

Efese Shiinbii 5:22-24 Cyeebii, yii yiye tîrige yii nàmbaabili'á, bà yii à yiye tîrige Kafoonji á mε, 23 jaha na ye nòñi u nyε u cwoñi jùñke, bà Kirisita nyε dánafeebii kurunjke jùñke mε. Dánafeebii kurunjke ku nyε Kirisita cyeere, u à kuru ñkemu shwo ke. 24 Bà dánafeebii kurunj'à kuye tîrige Kirisita á mε, amuni cyeebil'à yaa pi piye tîrige karigii puni i pi nàmbaabili'á.

Efese Shiinbii 5:31,33 Y'à jwo Kile Jwumpe Semenji na «Lire kurugo nòñi sí u tuñi ná u nuñi yaha si mpwo u cwoñi na, pi mú shuunni si mpyi shin niñkin.» 33 Ðka p'à yyaha tíi ná yii e mû: yii shin maha shin à yaa u u cwoñi kyaan uy'á, bà urufoo kyal'à tâan uy'á mε. Cyeebii, yii pèené le yii nàmbaabili'e.

1 Kòrenti Shiinbii 7:3-5 Nòñi nyε a yaa u tasinnage kwòn u cwoñi na mε. Ceenji mú nyε a yaa u tasinnage kwòn u poonj na mε. 4 Naha kurugo ye ceenji nyε uye wu mε, nòñi u nyε u foonji. Nòñi mú nyε uye wu mε, ceenji u nyε u foonji. 5 Nòñi ná u cwoñi nyε a yaa pi a tasinnage kwùun piye na mε, fo pi mú shuunni ká bê li na si tère yaha piye na Kileñarege mεe na. Ðka lire tèni ká ntòro, pi à yaa pi núru piy'á, bà Sitaanniñi si mpyi u àha njà pi sòn ngà jacwoɔre na mε.

1 Kòrenti Shiinbii 7:34 Nyε lire pyinkanni na, u yákiliñi maha ntáa u cwoñi kàmpanñke ná Kile kàmpanñke shwɔhɔl'e. Amuni li mú nyε, Kafoonji báaranji maha ceenji nò baa wuñi ná pùceebilini yyaha jñ. Pi maha u pyi bà pi si mpyi si piye puni kan Kafoonji á mε. Ðka ceenji u nyε nàmbag'e ke, nàmbage karigii maha uru yyaha jñ. U maha li kòre si ntáan u poonj'á.

Kòlosi Shiinbii 3:18 Cyeebii, yii yiye tîrige yii nàmbaabili'á, lir'à yaa ná yii e Kafoonji Yesu wwoñeege e.

1 Timòti 2:11-15 Mà bâra lire na, cyeebii ká mpyi Kile Jwumpe tajwuge e, pi à yaa pi tèen tanuge e, pi raa pu núru pi raa jaare pi a ntàanni ná p'e. 12 Mii nyε a ñee ceewe u a sùpyire kâlali na cyeebii nyε nàmbaabii jùñjø na mε, u à yaa u tèen tanuge e. 13 Lire kajwuuni li nyε, Kile à Adama dá yyecyiige na, lire jwɔhɔ na maa Awa dá. 14 Adama bà Sitaanniñi à jwɔ fáanña yyecyiige na mε, ñka ceenji u à fyânhä a jwɔ fáanña, ka u u Kile jwɔmœeni yaha. 15 Ceenji pyiisini sì n-jà u pyi u pôon u nùmpañke e mε, li tegeni li nyε u kwôro Kile kuni i ná tâange ná tufeempe e, u uye pèrege cè.

Ziiñi Zhenëzi 3:16 Maa jwo ceenjá «Mii sí là bâre mu laani njyàñji na. Mu lahigii ziñi sí n-waha sèl'e. Mu la si mpyi si ma poonj jà, ñka uru u sí n-pyi mu jùñjø na.»

1 Pyeri 3:1-6 Nyε lire pyinkanni na, cyeebii, yii yiye tîrige yii nàmbaabili'á. Lire e ali li mèe ká nta pi pii nyε a ñee Kile jwumpe na mε, bà pire si mpyi si jyè Kile kuni i yii toronkanni cye kurugo, mà ta yii nyε a yaaga jwo pi á mε, 2 jaha na

ŋε yii toronkanni ná yii súpyigire sí pi yyaha ñî. 3 Yii àha yii wuuni kwò njaha pùcyage yaleere ndenji kanni na, mu à jwo ñùmpwooni ná seennji pùcyage yaayi ndenji ná vânnyi longara wuyi nderji na mè. 4 Dka pùcyage yaleere ti nyé zòmbilini i ke, yii a tire caa. Tire nyé na ñkèege mè, tire yaleere ti nyé ñùmpinjke ná zòmpyinjini, kuru ku nyé pùcyage sèe woge yaleere Kile á. 5 Tèecyiini i, cyeebii pi mpyi a piye pwó Kile na, maa pi sònñore taha u na ke, pire mpyi maha piye tîrige pi nàmabaabil'á, lire li mpyi pire pùcyage longara yaayi. 6 Amuni Sara mpyi. U mpyi a Ibirayima ñwòmèeni cû fo u mpyi maha u pyi: «mii kàfoonjì». Nyé nijaaa, yii pi nyé Sara pworibii, ñka fo yii aha a kacenjki pyi, maa mpyi yii nyé a yaaga yaha k'à yii fùgur'a láha lire na mè.

Titi 2:1-5 Mu wi ke Titi, ta kàlanji njcenjì kaan súpyir'á. 2 Yi jwo nàñkolyeebil'á na pi i piye pérège cè, pi i mpyi sèeshiin, pi i mpyi yákilifee, pi i piye waha Kile kuni i ná tàange ná lùtaanni i. 3 Yire ninuyi taha cijnjyeebil'á mú, bà pi naaranjanni si mpyi si ntàanna ná Kile kuni i mè, pi àha raa pi shinjèebii mèyi kèege mè, pi àha mpyi sinmbyaa mè; pi a súpyire sannte leni kur'e, 4 bà pi si mpyi si li cyée cipyire na, pyinkanni na pi à yaa pi pi nàmabaabii ná pi pyìibii kyaa tåan piy'á mè; 5 pi i mpyi yákilifee, pi i mpyi fyìnme súpyii, pi i piye kan pi pyènyi báarañ'á, pi raa kacenjii pyi; pi i pi nàmabaabii ñwòmyahigii cû, bà súpyire si mpyi si Kile jwumpe le dá e mè.

1 Kòrenti Shiinbii 11:5-7,10 Ceewe mú ká a Kile ñáare, lire nyé mè na Kile túnnture tà yu dánafeebil'á, mà li ta u nyé a u ñùñke tò mè, u maha u ñùñke faha, li maha mpyi mu à jwo ceenji u à u ñùñke kùlu ke. 6 Ceenji ñgemu ká mpyi u nyé na u ñùñke tundi Kileñarege tèni i mè, u ku kùlu ke! Kampyi ceenji ñùñjoore ñkwònnji, lire nyé mè u ñùñke ñkùluñi na nyé silege kyaa, lire e ke, u a ku tundi. 7 Nòrji kòni nyé a yaa u a ñùñtorò tundi Kileñarege tèni i mè, ñaha na yé nòrji u nyé Kile malwoore, u sìnampe mú maha pèené taha Kile na. Ceenji sí wi ke, uru sìnampe maha pèené taha nòrji na. 10 Lire kurugo cyeebil'á yaa pi a pi ñùñyi tundi Kileñarege tapyige e, lire sí n-pyi kyaa ndemu li sí li cyée na pi sí n-jà raa Kile pêre, bà Kile mèlekèebii lùgigii si mpyi cyi àha njíri pi taan mè.

Taanliñkii 12:4; 14:1; 19:13; 21:9,19; 25:24; & 27:15,16 - contentious & angry Cyeebii

Taanliñkii 31:10-31 - The Virtuous Cyeebii